

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), a u vezi sa članom 29. i 31. Zakona o izvršenju Budžeta Tuzlanskog kantona za 2012. godinu („Službene novine Tuzlanskog kantona“, broj: 3/12), Vlada Tuzlanskog kantona, na sjednici održanoj dana 16.08.2012. godine, d o n o s i

ODLUKU

o utvrđivanju uslova, kriterija i postupka za raspodjelu sredstava sa potrošačke jedinice 11010020 – Pomoć vjerskim zajednicama

I

Ovom odlukom utvrđuju se uslovi, kriteriji i postupak za raspodjelu planiranih sredstava u Budžetu Tuzlanskog kantona za 2012. godinu u razdjelu 11, glava 01, sredstava sa potrošačke jedinice 0020 – Pomoć vjerskim zajednicama.

II

Raspodjela sredstava za sufinansiranje programa pomoći vjerskim zajednicama, vršit će se u skladu sa raspoloživim sredstvima u Budžetu Tuzlanskog kantona za 2012. godinu („Službene novine Tuzlanskog kantona“, broj: 3/12) i Zakonom o izvršenju Budžeta Tuzlanskog kantona za 2012. godinu („Službene novine Tuzlanskog kantona, broj: 3/12).

III

Iz sredstava planiranih u Budžetu Tuzlanskog kantona za ove namjene, sufinansirat će se programi vjerskih zajednica koji:

1. se realizuju na području Tuzlanskog kantona osim programa koji se odnose na povratnička mjesta,
2. imaju za cilj obilježavanje i čuvanje tradicije vjerskih zajednica,
3. imaju za cilj zaštitu i čuvanje kulturne baštine naroda u BiH i promociju njihovih kulturnih vrijednosti,
4. imaju za cilj zaštitu vjerskih objekata, odgojno-obrazovnu djelatnost, zdravstvenu i socijalnu zaštitu, karitativnu djelatnost ili izdavačku djelatnost,
5. programi drugog karaktera koji su od interesa za Tuzlanski kanton.

IV

Podnosilac zahtjeva za sufinansiranje programa pomoći vjerskim zajednicama koji ispunjava kriterije iz tačke III ove odluke, uz zahtjev obavezan je dostaviti:

1. program koji sadrži detaljni opis aktivnosti, strukturu finansiranja, uključujući i iznos sredstava koji je osiguran iz drugih izvora uz obavezno priložen odgovarajući dokaz o osiguranju istih, te očekivane rezultate i broj korisnika usluga u realizaciji programa,
2. ovjeren izvještaj o namjenskom utrošku sa računima, ugovorima i drugim dokazima o utrošku sredstava pomoći vjerskim zajednicama, za koju je podnosilac zahtjeva dobio finansijska sredstva od Vlade Tuzlanskog kantona u prethodnoj fiskalnoj godini,
3. rješenje o upisu u registar pravnih lica kod nadležnog organa (original ili ovjerena kopija),
4. uvjerenje o poreznoj registraciji, spesimen potpisa (original ili ovjerena kopija).

Zahtjev za sufinansiranje programa pomoći vjerskim zajednicama iz stava 1. ove tačke sa odgovarajućom dokumentacijom kako je to navedeno u prethodnim alinejama, podnosioci, odnosno vjerske zajednice mogu podnositi od dana stupanja na snagu ove odluke, a najkasnije u roku od 15 dana od dana objavljivanja ove odluke u „Službenim novinama Tuzlanskog kantona“.

V

Finansijski se neće podržati programi:

- usmjereni na promociju programa političkih stranaka,
- usmjereni na finansiranje plaća i drugih izdataka u svrhu koristi zaposlenika u pravnom licu,
- podnosioca zahtjeva koji nisu dostavili izvještaj o namjenskom utrošku sredstava doznačenih u prethodnoj godini od Vlade Tuzlanskog kantona.

VI

Vlada Tuzlanskog kantona će u skladu sa utvrđenim kriterijima i uslovima iz ove odluke utvrditi Program raspodjele sredstava pomoći vjerskim zajednicama u tekućoj fiskalnoj godini, a sredstva odobravati u skladu sa Programom putem pojedinačnih odluka, ovisno od raspoloživih sredstava.

VII

Odluka stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

PREMIJER KANTONA

Sead Čaušević

Broj: 02/1-
Tuzla, 16.08.2012. godine